

Član 5.

U Budžetu općine Ilijaš za 2016. godinu ("Službene novine Kantona Sarajevo", br. 2/16 i 31/16) član 5. mijenja se i glasi:  
Tekuća Budžetska rezerva iznosi 98.000,00 KM.

O korištenju budžetske rezerve odlučuje Općinski načelnik.

Član 6.

Budžet izvršava Općinski načelnik shodno važećim zakonskim propisima kojima je regulisana ova materija.

Član 7.

Izmjene i dopune Budžeta općine Ilijaš za 2016. godinu stupaju na snagu narednog dana od dana objavljivanja u "Službenim novinama Kantona Sarajevo", a primjenjivat će se za fiskalnu 2016. godinu.

Broj 01/1-02-2890-4/16  
29. novembra 2016. godine  
Ilijaš

Predsjedavajući  
Općinskog vijeća Ilijaš  
**Mahir Dević, s. r.**

Na osnovu člana 13. Zakona o principima lokalne samouprave u Bosni i Hercegovini ("Službene novine Federacije BiH", broj 49/06 i 51/09), člana 23. i člana 104. stav (1) Statuta opštine Ilijaš - Prečišćeni tekst ("Službene novine Kantona Sarajevo", broj 20/09) i člana 99. stav (1) Poslovnika Opštinskog vijeća Ilijaš ("Službene novine Kantona Sarajevo," broj 2/10 i 18/15), Opštinsko vijeće Ilijaš, na drugoj sjednici održanoj dana 29. novembra 2016. godine, donijelo je

**ODLUKU**

**O DAVANJU MIŠLJENJA I SAGLASNOSTI KANTONU SARAJEVO NA PRIJEDLOG ZAKONA O IZMJENI ZAKONA O KOMUNALNIM DJELATNOSTIMA**

Član 1.

Ovom odlukom daje se pozitivno mišljenje na Prijedlog Zakona o izmjeni Zakona o komunalnim djelatnostima i saglasnost Skupštini Kantona Sarajevo za njegovo donošenje.

Član 2.

Ova odluka stupa na snagu narednog dana od dana donošenja, a naknadno će se objaviti u "Službenim novinama Kantona Sarajevo".

Broj 01/1-02-2890-7/16  
29. novembra 2016. godine  
Ilijaš

Predsjedavajući  
Opštinskog vijeća Ilijaš  
**Mahir Dević, s. r.**

Na osnovu člana 13. Zakona o principima lokalne samouprave u Bosni i Hercegovini ("Službene novine Federacije BiH", broj 49/06 i 51/09), člana 23. i člana 104. stav (1) Statuta opštine Ilijaš - Prečišćeni tekst ("Službene novine Kantona Sarajevo", broj 20/09) i člana 99. stav (1) Poslovnika Opštinskog vijeća Ilijaš ("Službene novine Kantona Sarajevo," broj 2/10 i 18/15), Opštinsko vijeće Ilijaš, na drugoj sjednici održanoj dana 29. novembra 2016. godine, donijelo je

**ODLUKU**

**O DAVANJU MIŠLJENJA I SAGLASNOSTI KANTONU SARAJEVO NA PRIJEDLOG ZAKONA O IZMJENI ZAKONA O KOMUNALNOJ ČISTOĆI**

Član 1.

Ovom odlukom daje se pozitivno mišljenje na Prijedlog Zakona o izmjeni Zakona o komunalnoj čistoći i saglasnost Skupštini Kantona Sarajevo za njegovo donošenje.

Član 2.

Ova odluka stupa na snagu narednog dana od dana donošenja, a naknadno će se objaviti u "Službenim novinama Kantona Sarajevo".

Broj 01/1-02-2890-8/16  
29. novembra 2016. godine  
Ilijaš

Predsjedavajući  
Opštinskog vijeća Ilijaš  
**Mahir Dević, s. r.**

Na osnovu člana 56. Zakona o prostornom uređenju ("Službene novine Kantona Sarajevo", br. 7/05), člana 23. Odluke o provođenju Prostornog plana Kantona Sarajevo za period 2003-2013 godine ("Službene novine Kantona Sarajevo" br. 26/05) i člana 23. i 55. Statuta Općine Ilijaš ("Službene novine Kantona Sarajevo", br. 20/09), Općinsko vijeće Ilijaš, na sjednici održanoj dana 29.11.2016. godine, donijelo je

**IZMJENU**

**ODLUKE O UTVRĐIVANJU NOVOG GRADEVINSKOG ZEMLJIŠTA I PLANA PARCELACIJE ZA IZGRADNJU APARTMANSKOG NASELJA POPOVIĆI**

Član 1.

Član 2. Odluke o utvrđivanju novog građevinskog zemljišta i plana parcelacije za izgradnju apartmanskog naselja Popovići ("Službene novine Kantona Sarajevo", broj 39/13), se mijenja i glasi:

Lokacija apartmanskog naselja obuhvata parcele označene k.č.br. 1379, 1380, 1381,1396, 1297, 1398, 1399 i 1370 K.O. Podgora I -novi premjer, na prostoru ukupne površine 119.863 m<sup>2</sup>.

Apartmentansko naselje se sastoji od:

PROSTOR PARKA -sportsko -rekreativnog karaktera P=cca 20.025 m<sup>2</sup>

PROSTOR NASELJA - rezidencijalno-rekreativnog karaktera P=cca 97.975 m<sup>2</sup> koje čine:

- Parcele vikend kuća, površine cca 52.000 m<sup>2</sup>,
- parcele javnih objekata sa parkinzima, površine cca 2.740 m<sup>2</sup>
- sport i rekreacija, površine cca 38.975 m<sup>2</sup>,
- kolske saobraćajnice sa trotoarima i parkingom u površini cca 6.158 m<sup>2</sup>.

Član 2.

Član 3. Odluke o utvrđivanju novog građevinskog zemljišta i plana parcelacije za izgradnju apartmanskog naselja Popovići ("Službene novine Kantona Sarajevo", broj 39/13), se mijenja i glasi:

Sastavni dio ove Odluke je Grafički prilog Elaborat cijepanja, ažurna geodetska situacija-parcelizacija novog proširenog obuhvata.

Član 3.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01/1-02-2890-9/16  
29. novembra 2016. godine  
Ilijaš

Predsjedavajući  
Općinskog vijeća Ilijaš  
**Mahir Dević, s. r.**

